

«БЕКІТІЛГЕН»

Қазақстан Республикасы Туризм және спорт
министрлігі Спорт және дене шынықтыру
істері комитеті



Төраға

Р.Б. Есеналин

2025ж.

«КЕЛІСІЛГЕН»

«Қазақстан Футбол
Федерациясы» Қауымдастығы» ЗТБ



Бас хатшының
міндетін атқарушы

Г.Б. Кабылкаирова

«13» февраль 2025ж.

**2025 ЖЫЛҒЫ МАУСЫМДАҒЫ ПРЕМЬЕР-ЛИГА КЛУБТАРЫ АРАСЫНДА
ҚАЗАҚСТАН РЕСПУБЛИКАСЫНЫҢ ФУТБОЛДАН ОЛІМРВЕТ-ЧЕМПИОНАТЫНЫҢ
РЕГЛАМЕНТІ**

Астана

Handwritten signatures in blue ink at the bottom left of the page.

МАЗМҰНЫ

АНЫҚТАМАЛАР	3
1-БӨЛІМ. ЧЕМПИОНАТТЫҢ АТАУЫ, ӨТКІЗІЛЕТІН КҮНІ МЕН ОРНЫ	7
2-БӨЛІМ. ҚАТЫСУШЫ ҰЙЫМДАР, ЧЕМПИОНАТҚА ҚАТЫСУШЫЛАРДЫҢ САНДЫҚ ҚҰРАМЫ	8
3-БӨЛІМ. МЕДИЦИНАЛЫҚ-САНИТАРЛЫҚ ЖӘНЕ ДОПИНГКЕ ҚАРСЫ ҚАМТАМАСЫЗ ЕТУ	9
4-БӨЛІМ. ЧЕМПИОНАТҚА ҚАТЫСУҒА ӨТІНІМДЕР БЕРУ ТӘРТІБІ МЕН МЕРЗІМІ, ҚАРЖЫЛАНДЫРУ ШАРТТАРЫ	10
5-БӨЛІМ. ЧЕМПИОНДЫ ЖӘНЕ ЧЕМПИОНАТ ЖҮЛДЕГЕРЛЕРІН МАРАПАТТАУ ТӘРТІБІ	14
6-БӨЛІМ. НАРАЗЫЛЫҚ БЕРУ ТӘРТІБІ ЖӘНЕ ОЛАРДЫ ҚАРАУ, ӨЗГЕ ДЕ ШАРТТАР	15

АНЫҚТАМАЛАР

ҚФФ	«Қазақстан Футбол Федерациясы» Қауымдастығы» заңды тұлғалар бірлестігі, FIFA және UEFA мүшесі болып табылатын ҚР Ұлттық футбол федерациясы (қауымдастығы).
FIFA	Халықаралық Футбол Қауымдастықтарының Федерациясы.
UEFA	Еуропалық футбол қауымдастықтарының одағы.
IFAB	Футбол ойнау ережелерін анықтайтын және өзгертетін Халықаралық футбол қауымдастығы кеңесі.
Ұлттық футбол қауымдастығы	FIFA мүшесі болып табылатын футбол қауымдастығы.
Қазақстан Республикасының OLIMPBET-Чемпионаты	Премьер-Лига клубтары арасында ҚФФ өткізетін және кәсіби ерлер футбол клубтары арасындағы жарыстың бірінші (жоғары) деңгейі болып табылатын ресми футбол жарысы.
Бірінші Біріншілігі Лига	Бірінші Лига клубтары арасында ҚФФ өткізетін және кәсіби ерлер футбол клубтары арасындағы жарыстың екінші деңгейі болып табылатын ресми футбол жарысы.
Екінші Біріншілігі Лига	Екінші Лига клубтары арасында ҚФФ өткізетін және кәсіби ерлер футбол клубтары арасындағы жарыстың үшінші деңгейі болып табылатын ресми футбол жарысы.
Қазақстан Республикасының OLIMPBET-Кубогы (ҚР Кубогы)	кәсіби ерлер футбол клубтары арасында ҚФФ өткізетін ресми футбол жарысы.
Клуб (футбол клубы)	FIFA, UEFA және ҚФФ ережелерін сақтайтын және FIFA, UEFA, ҚФФ ұйымдастыратын футбол жарыстарына қатысатын заңды тұлға.
Ойыншы (футболшы)	Ұлттық қауымдастықта футболшы ретінде тіркелген және жарыстарға қатысу үшін мәлімделген жеке тұлға.
Кәсіпқой	клубпен еңбек шартын жасасқан және өзінің футбол қызметі үшін ақы алатын (осы ақы нақты шығындарынан артық болады) ойыншы. Кәсіпқой емес ойыншылар әуесқой болып саналады.
Қазақстан футболының тәрбиеленушісі (Тәрбиеленуші)	ҚРЧ Регламентінің ережелеріне сәйкес айқындалатын ойыншы.
Легионер	Қазақстан Республикасының азаматы немесе Еуразиялық экономикалық одаққа (Армения Республикасы, Беларусь Республикасы, Қырғыз Республикасы, Ресей Федерациясы) мүше елдердің бірінің азаматы болып табылмайтын ойыншы.
Ресми тұлға	футбол субъектілері – ұйымдарда ұйымдық-өкімдік немесе әкімшілік-шаруашылық функцияларды орындайтын барлық лауазымды адамдар, оның ішінде олардың басшылары (орынбасарлары), сондай-ақ басқару органдарының мүшелері, бапкерлер, футбол төрешілері, инспекторлар, матч делегаттары, техникалық қызметкерлер, техникалық, медициналық және әкімшілік мәселелерге жауапты өзге де тұлғалар FIFA, UEFA, ҚФФ, ҚФФ мүшелері, лигалар немесе клубтар, сондай-ақ ҚФФ заң органдарының мүшелері.
Клубтың ресми тұлғасы	Тиісті жарысқа қатысу үшін ҚФФ тіркелген (мәлімделген) клуб қызметкері.
Матчтың ресми тұлғасы	футбол төрешісі (төреші), төрешінің көмекшісі, VAR төрешісі және VAR төрешісінің көмекшісі, VAR операторы, резервтік төреші, матч инспекторы, делегаты, яғни матчты ұйымдастыруға жауапты және

	төрешілер бригадасының іс-әрекеттерін бағалайтын тұлғалар, сондай-ақ ҚФФ өкімі бойынша матчты өткізуге байланысты жауапкершілікті өз мойнына алатын кез келген басқа тұлғалар.
Делегат	Матчты ұйымдастыру мен өткізуді бақылау үшін ҚФФ тағайындайтын жеке тұлға.
Инспектор	матчтағы төрешілердің әрекеттерін бағалау үшін тағайындалған жеке тұлға.
Футбол төрешісі (төреші)	Ойын ережелеріне және реттеуші құжаттарға сәйкес ойынды бақылау және басқару үшін тағайындалған жеке тұлға.
VAR	футболдың Ойын ережелеріне сәйкес төрешілер бригадасы пайдаланатын матч эпизодтарын жедел бейне қайталау компьютерлік жүйесі.
VAR төрешісі	VAR жүйесін қолдана отырып, матч сәттерінің қайталану бейнелерін көретін жеке тұлға.
VAR операторы	матч кезінде VAR жүйесін басқаратын жеке тұлға.
Атқару комитеті	ҚФФ басқарудың алқалы атқарушы органы.
Жергілікті футбол федерациясы	облыстың, республикалық маңызы бар қаланың, астананың бір әкімшілік-аумақтық бірлігі шегінде футбол қызметін жүзеге асыратын және бақылайтын жергілікті атқарушы органда аккредиттелген ҚФФ мүшесі. Жергілікті футбол федерациясы өз аймағында футболды дамытуға және насихаттауға міндетті.
Футбол субъектілері	ҚФФ, ҚФФ мүшелері, жергілікті футбол федерациялары, футбол лигалары, футбол клубтары, білім беру футбол мекемелері / ұйымдары / мекемелері, ресми тұлғалар, ойыншылар, матч инспекторлары мен делегаттары, төрешілер, агенттер, бапкерлер, жанкүйерлер (көрермендер) және олардың бірлестіктері, сондай-ақ ҚР аумағында футболмен байланысты қызметті жүзеге асыратын өзге де тұлғалар.
Төрешілік және инспекция департаменті (ТИД)	футбол бойынша өткізілетін барлық түрдегі матчтарға төрелік етуді және инспекциялауды ұйымдастыратын ҚФФ құрылымдық бөлімшесі төрешілер мен инспекторларды матчтарға іріктеуді және тағайындауды жүзеге асырады, барлық мамандардың практикада және ойын ережелері теориясында бірыңғай қолдануын қамтамасыз етеді.
Бақылау, тәртіптік және әдеп комитеті (БТӘК)	ҚФФ өткізетін және/немесе ұйымдастыратын матчтарды/жарыстарды өткізу кезінде немесе өткізуге байланысты жіберілген FIFA, UEFA, ҚФФ және футбол лигаларының құжаттарын реттейтін ойын ережелерін бұзу фактілерін қарайтын бірінші сатыдағы ҚФФ заң органы.
Матч қатысушылары	матч хаттамасына енгізілген футболшылар, клубтың ресми тұлғалары, бапкерлік құрамы және әкімшілік персоналы.
Матч ұйымдастырушысы	өз алаңында матчты тікелей ұйымдастыруға және өткізуге жауапты футбол клубы.
Клуб басшылығы	клубтың бірінші басшысы және оның барлық штаттық орынбасарлары.
Клубтың әкімшілік қызметкерлері	клубтың бапкерлер құрамына және басшылығына кірмейтін өтінім парактарына енгізілген клуб қызметкерлері.
Хабар таратушы	матчтардың телевизиялық/радио және интернет-трансляцияларын шығару құқығы бар компания.
Тәртіптік регламент	FIFA, UEFA, ҚФФ және футбол лигаларының регламенттеуші құжаттарында қамтылған ережелердің бұзылуын көрсететін, шығарылатын жазаларды және оларға шағымдану тәртібін айқындайтын, шешім шығаруға жауапты органдардың

	ұйымдастырушылық жағы мен жұмыс істеуін, сондай-ақ осы органдарда істерді қарау тәртібін реттейтін құжат.
Ойыншылардың мәртебесі мен ауысуы туралы регламент	ҚФФ қамқорлығымен ұйымдастырылатын және өткізілетін матчтар мен жарыстардың ойыншылардың мәртебесіне, олардың ұйымдастырылған футболға қатысу мүмкіндігіне, ойыншылардың трансферіне және оларды ұлттық қауымдастықтар үшін босатуға қатысты жалпы және міндетті ережелерін анықтайтын құжат.
Техникалық регламент	Матчтарды трансляциялауды ұйымдастыру және техникалық қамтамасыз ету бойынша футбол субъектілерінің өзара іс-қимыл тәртібін, сондай-ақ матчтарды өткізгенге дейін, оның барысында және одан кейін медиа-іс-шараларды өткізу тәртібін көрсететін құжат.
Реттеуші құжаттар	жарғылар, ережелер, регламенттер, директивалар, циркулярлар, Ойын ережелері.
Ойын ережелері	жарғылар, ережелер, қағидалар, директивалар, циркулярлар, FIFA, UEFA, ҚФФ және футбол лигаларының ойын ережелері.
Қауіпсіздікті қамтамасыз ету жөніндегі нұсқаулық	ҚР Ішкі істер министрлігі мен ҚР Мәдениет және спорт министрлігінің бірлескен бұйрығымен бекітілген спорттық және спорттық-бұқаралық, ойын-сауық мәдени-бұқаралық іс-шараларды өткізу қауіпсіздігін қамтамасыз ету жөніндегі нұсқаулық.
FCMS (Football Championship Management System)	матч алдындағы және матчтан кейінгі құжаттаманы толтыру, матч күнтізбесін, турнир кестесін қалыптастыру және матчқа қатысушылардың дисквалификацияларын есепке алу үшін пайдаланылатын жарысты басқарудың электрондық жүйесі.
«А» өтінім парағы	Қатысушы клубтың негізгі құрамы командасының барлық ойыншылары туралы тіркеу мәліметтерін қамтитын құжат.
«А1» өтінім парағы	Қатысушы клуб командасының бапкерлер құрамы мен әкімшілік персоналы туралы тіркеу мәліметтерін қамтитын құжат. «А1» парағына клуб басшылығы кірмейді.
«В» өтінім парағы	Бірінші лига Біріншілігінің немесе Екінші Лига Біріншілігінің қатысушысы болып табылатын клубтың жастар командасының барлық ойыншылары туралы тіркеу мәліметтерін қамтитын құжат.
«С» өтінім парағы	балалар-жасөспірімдер (жастар) футболы бойынша ҚФФ жарыстарына қатысу үшін мәлімделген клуб ойыншылары туралы тіркеу мәліметтерін қамтитын құжат.
Стадион	матчтар өткізілетін спорт ғимараты (бүкіл спорт кешені).
Ойындар күнтізбесі	ойын күндерінің кестесі және ойнайтын командалардың жуптары.
Маусым	кәсіпқой клубтар арасында ресми жарыстар өтетін ҚФФ белгілеген кезең (ҚРЧ, Бірінші Лига Біріншілігі, Екінші Лига Біріншілігі, Кубок, Суперкубок, Лига Кубогы).
Форс-мажор	табиғи апаттар, соғыс қимылдары, ұлттық және салалық ереуілдер, мемлекеттік органдардың тыйым салу актілері, эпидемиялар және т.б. сияқты жағдайлар, сондай-ақ алдын-ала болжағыштықпен және ешқандай шығындармен алдын алуға болмайтын әрекеттер.
Регламент	осы 2025 жылғы Премьер-Лига клубтары арасында футболдан Қазақстан Республикасы OLIMPBET-Чемпионатының регламенті.
Жастар командасы	ҚФФ кәсіби жарыстарына қатысатын және 2004 ж. т. аспаған ойыншылардан тұратын ҚРЧ қатысушы клуб командасы.

Регламенттің ережелері сөздер мен сөз тіркестерін таңдауға қарамастан, әйелге де, ерлерге де қатысты.

Регламент мәтінінде көзделген барлық атаулар мен анықтамалар олардың мағынасына нұқсан келтірместен жекеше де, көпше түрде де қолданыла алады.

Регламенттің барлық анықтамалары тек ыңғайлылық үшін тұжырымдалған және Регламенттің жекелеген ережелерінің заңды маңыздылығына әсер ете алмайды.

Сондай-ақ, сілтемелер ойыншылардың мәртебесі мен ауысуы бойынша Регламенттің «Анықтамалар» тарауына жасалады.

1-БӨЛІМ. ЧЕМПИОНАТТЫҢ АТАУЫ, ӨТКІЗІЛЕТІН КҮНІ МЕН ОРНЫ

1.1. **Спорттық жарыстың атауы:** 2025 жылғы маусымның Премьер-лига клубтары арасында футболдан Қазақстан Республикасының OLIMPBET-чемпионаты (бұдан әрі – ҚРЧ, Чемпионат).

1.2. **Спорттық жарыстың өтетін күні:** 2025 жылғы наурыз-қараша аралығында. Матчтардың өткізілетін күндері ҚРЧ ойындарының күнтізбесінде айқындалған.

1.3. **Спорттық жарыстың өтетін орны:** Қазақстан Республикасының аумағы.

1.3.1. ҚРЧ клубтар мәлімдеген және ҚРЧ өткізу үшін жіберілген стадиондарда өткізіледі. Матчтарды өткізу үшін спорт ғимаратына рұқсат беруді ҚФФ Лицензиялау департаменті жүзеге асырады. Клуб стадион мен футбол алаңының жай-күйіне, сондай-ақ стадионның жарнамалық кеңістігіне (ойын алаңының айналасындағы билбордтар мен баннерлер) қатысты барлық ҚФФ нұсқаулары мен талаптарын орындауы керек.

1.3.2. ҚРЧ матчтары футбол клубтары «негізгі стадиондар» деп жариялаған спорттық ғимараттарда өткізілуі керек. Ерекше жағдайларда, ойындар күнтізбесінде көзделген матчтар футбол клубтары «қосалқы стадиондар» деп мәлімдеген спорттық ғимараттарда өткізілуі мүмкін. Клуб «қосалқы стадион» ретінде бір ғана стадион мәлімдеуге құқылы. «Қосалқы стадионда» матч өткізу мүмкіндігі туралы шешімді ҚФФ Лицензиялау жөніндегі комиссия қабылдайды. Тиісті рұқсат алу үшін клуб алдағы матчқа дейін күнтізбелік 30 күннен кешіктірмей ҚФФ-ға ресми сұрау жіберуі тиіс. «Қосалқы стадион» матч өткізілетін күнге дейін күнтізбелік 15 күннен аз уақыт бұрын рұқсат берілмеген жағдайда, Матч ұйымдастырушысы 3 (үш) күн ішінде матч өткізілетін орынды ҚФФ-мен келісуге міндетті.

1.3.3. Стадион мен тиісті қызметтердің ҚРЧ-ң әр матчын маусым бойы өткізуге дайындығын матч делегаты (болмаған жағдайда – инспектор, делегат және инспектор болмаған жағдайда – матчтың төрешілер бригадасының өкілі) ұйымдастыру мәжілісінің қорытындылары мен қауіпсіздікті қамтамасыз ету жөніндегі нұсқаулықтың талаптарын ескере отырып растайды.

1.3.4. ҚРЧ матчтары өткізілетін стадион стадиондардың инфрақұрылымы бойынша ҚФФ регламенттің және ҚР 3831-2022 «Табиғи және жасанды жабыны бар футбол алаңдары. Ұйымдастыруға және пайдалануға қойылатын талаптар» ұлттық стандартының барлық талаптарына сәйкес келуі тиіс және оның ішінде мыналар болуы тиіс:

- 1) матчқа қатысушылардың стадионына қауіпсіз өту;
- 2) Ойын ережелеріне сәйкес келетін футбол алаңы;
- 3) оңай орнатуға болатын қосалқы қақпалар;
- 4) футбол алаңының бүкіл периметрі бойынша қалқан жарнамалық құрылымдар;
- 5) ең болмағанда қатысушы командалардың атауы және матчтың шоты көрсетілуі тиіс ақпараттық табло;
- 6) жеке орындықтармен жабдықталған көрермендер орындары;
- 7) мүмкіндігі шектеулі көрермендерге арналған құрылыстар;
- 8) ресми тұлғалары мен өкілдері (демеушілері, серіктестері және т. б.) үшін кемінде 20 көрерменнің тегін орны, олардың кем дегенде екеуі құрметті қонақтар үшін (VIP, бас ложа) орында берілуі тиіс, бас логаның сыйымдылығына байланысты қонақ клубына бір орын беруге жол беріледі;
- 9) қонақ клубының жанкүйерлері үшін жеке қорғалатын секторға (секторларға) билеттер. Бөлінетін сектордың (секторлардың) сыйымдылығы стадионның жалпы сыйымдылығының кемінде 5% болуы тиіс;
- 10) БАҚ өкілдеріне арналған жабдықталған орындар (ложалар);
- 11) ойыншыларға арналған киім ауыстыратын бөлмелер;
- 12) ҚФФ қолданыстағы инфрақұрылымдық критерийлеріне сәйкес келетін төрешілерге арналған киім ауыстыратын бөлме;
- 13) алғашқы медициналық көмек көрсету пункті;
- 14) инспекторға арналған бөлме;
- 15) делегатқа арналған бөлме;
- 16) ҚФФ бекіткен нысаны мен мазмұны бойынша жарнамалық конструкциясы міндетті түрде бола отырып, матчтан кейінгі баспасөз конференцияларын өткізуге арналған жабдықталған үй-жай

17) матчтың ойыншыларының, ресми тұлғаларының қауіпсіздігін қамтамасыз ету үшін футбол алаңына (жерасты немесе өзге де туннель болмаған кезде) қорғаныш телескопиялық шығу;

18) футбол алаңын көрермендерге көруге кедергі келтірмейтін техникалық аймақ шегінде, әр команда үшін сыйымдылығы кемінде 19 орын болатын клубтың ресми тұлғалары мен қосалқы ойыншыларға арналған орындар;

19) клубтың ресми тұлғалары мен қосалқы ойыншыларға арналған орындардың үстіндегі қорғаныс шатыры;

20) матч инспекторына арналған трибунадағы жабдықталған орын (үстел, орындық, шатыр);

21) ҚРЧ матчтарын түсіруге арналған орындар;

22) Қазақстан Республикасының Мемлекеттік Туы, ҚФФ туы бар ту тұғырлары (ҚФФ ұсынады). Қазақстан Республикасының мемлекеттік туы 1,5х3 м өлшемінде болуға тиіс;

23) қорғаныс қалқасы бар резервтік төрешіге арналған жабдықталған орын;

24) Техникалық регламенттің ережелеріне сәйкес ҚРЧ матчтарын онлайн түсіру үшін барлық қажетті жағдайлар.

1.3.5. Ұйымдастыру мәжілісінде клубтар мен матчтың ресми тұлғалары көгалдарды суару мәселесін талқылауы керек. Көгалды суару командалар матч алдындағы ширату жаттығуларына шықпас бұрын аяқталуы тиіс. Әрі қарай, суару командаларды ширату жаттығулары аяқталғаннан кейін (матч басталғанға дейін 15 минут бұрын) және/немесе матчтың үзілісінде, егер суару футбол алаңының бүкіл аумағын біркелкі жауып, ұзақтығы 5 минуттан аспайтын болса ғана жүргізілуі мүмкін. Алаңды суару қажеттілігі туралы түпкілікті шешімді Матч ұйымдастырушысы Матч делегатымен келісе отырып қабылдайды. Төреші ауа-райына және матчтың футбол алаңының жағдайына байланысты алаңды суару кестесін өзгертуге немесе жоюға құқылы.

1.3.6. «Қосалқы стадионда» ҚРЧ матчын өткізу кезінде инфрақұрылымдық критерийлерге қойылатын талаптарды ҚФФ Лицензиялау департаменті айқындайды.

1.3.7. ҚФФ, FIFA және UEFA-ның оларды пайдалану жөніндегі барлық шарттары мен талаптарын орындау кезінде жасанды жабыны бар алқаптарда ҚРЧ матчтарын өткізуге жол беріледі.

2 БӨЛІМ. ҚАТЫСУШЫ ҰЙЫМДАР, ЧЕМПИОНАТҚА ҚАТЫСУШЫЛАРДЫҢ САНДЫҚ ҚҰРАМЫ

2.1. ҚРЧ қатысушылары тек лицензиялау процедурасынан өткен және ҚФФ, UEFA жарыстарына қатысуға тиісті ҚФФ рұқсатын (лицензиясын) алған, FIFA, UEFA, ҚФФ регламенттеуші құжаттарының талаптарын сақтауға және орындауға міндеттенетін клубтар бола алады.

2.2. ҚРЧ-на 14 клуб қатысады. ҚРЧ қатысушыларының құрамын ҚФФ уәкілетті органы бекітеді.

2.3. ҚРЧ-на қатысушы әрбір клубтың өз құрылымында тиісті жарыстар регламенттерінің талаптарына сәйкес Бірінші Лига Біріншілігіне немесе Екінші Лига Біріншілігіне қатысатын жастар командасы (2004 ж.т. аспаған ойыншылар), Лицензиялау ережелерінің талаптарына сәйкес Әйелдер Лигасы - Қазақстан Республикасының әйелдер командалары арасында футбол бойынша Чемпионатқа қатысатын әйелдер командасы болуы тиіс.

2.4. ҚРЧ қорытынды кестесінде 13-ші және 14-ші орын алған клуб командалары Регламенттің 2.9-тармағында көрсетілген жағдайларды қоспағанда, ҚРЧ-нан шығады да, 2026 жылғы маусымның Бірінші Лига Біріншілігіне қатысады.

2.5. 2025 жылғы маусымның Бірінші Лига Біріншілігінде 1-ші және 2-ші орын алған клуб командалары ҚРЧ клубтары мен ҚРЧ клубтарының жастар командаларының құрамына кіретін командаларды қоспағанда, 2026 жылғы маусымның ҚРЧ-на қатысуға құқылы. Егер 2025 жылғы маусымның Бірінші Лига Біріншілігінде 1-ші және 2-ші орынды ҚРЧ қатысушы клубының құрылымына кіретін команда немесе ҚРЧ қатысушы клубтың жастар командасы иеленсе, 2026 жылғы маусымның ҚРЧ-на қатысу құқығын 2025 жылғы маусымның Бірінші Лига Біріншілігінің қорытынды турнир кестесінде кейінгі орындарға ие болған клуб командалары алады, мұндай клубтар ҚФФ-ның тиісті рұқсатын (лицензиясын) алған жағдайда.

2.6. ҚРЧ-на тек ҚФФ-да тіркелген (мәлімделген) клубтың ойыншылары мен ресми тұлғалары ғана қатыса алады.

2.7. ҚРЧ-на қатысуға тек «кәсіпқой» мәртебесі бар ойыншылар, сондай-ақ Регламенттің 4.12-тармағына сәйкес келетін ойыншылар ғана жіберіледі.

2.8. Егер клуб командасы ҚРЧ-ның алғашқы ресми матчынан кейін ҚРЧ қатысушыларының құрамынан шығарылса, шығарылған команданың орны ҚРЧ аяқталғанға дейін бос қалады. Шығарылған команда ҚРЧ қорытынды кестесінде ол атқарған орнына қарамастан, ҚРЧ қатысушыларының құрамынан шығатын командалар қатарына қосылады. Егер ҚРЧ барысында қатысушылар құрамынан бір Клуб шығарылса, онда ҚРЧ аяқталғаннан кейін 2026 жылғы маусымның Бірінші Лигасы Біріншілігінде турнирдің қорытынды кестесінде қалған командалар арасында ең аз ұпай жинаған тек бір Клуб шығарылады.

2.9. Маусым қорытындысы бойынша ҚРЧ өнер көрсету құқығына ие болған және осы құқықтан бас тартқан клубтар ҚФФ уәкілетті органының шешімі бойынша басқа клубтармен ауыстырылуы мүмкін.

2.10. Осы Регламентте көзделмеген ротациялаудың барлық нұсқалары ҚФФ уәкілетті органының жеке шешімімен айқындалады.

2.11. Клубтың атауы мен команданың атауы бірдей болуы керек. Әр түрлі лигаларға бір клубтың 2 немесе одан да көп командалары қатысқан жағдайда клубтың әр түрлі атауы мен команда атауларына рұқсат етіледі. Бұл ретте ҚРЧ-да өнер көрсететін клуб пен осы клуб командасының атауы бірдей болуы тиіс.

2.12. ҚРЧ-ның тұрақтылығы мен әділ ойын принципін сақтау мақсатында бір жеке немесе заңды тұлға бақылайтын (меншіктегі) 2 және одан да көп командалардың ҚРЧ-на бір мезгілде қатысуына жол берілмейді.

2.13. Клубтың ұйымдық-құқықтық нысанын өзгерту қажеттілігі заңнамада көзделген жағдайларды қоспағанда, ҚРЧ барысында Клуб пен Команданың атауларын өзгертуге жол берілмейді.

2.14. Атауы өзгерген жағдайда, клуб өзгерістер тіркелген күннен бастап күнтізбелік 3 күн ішінде ҚФФ-на мынадай құжаттарды ұсынуға міндетті:

- 1) клубтың жаңа атауына байланысты өзгерістер енгізу туралы өтінішпен клуб басшысының қолы қойылған және клубтың мөрімен куәландырылған өтініш;
- 2) клубтың басқару органдарының құрылтай құжаттарына атауының өзгеруіне байланысты өзгерістер енгізу туралы шешімінің көшірмесі;
- 3) заңды тұлғаны мемлекеттік қайта тіркеу туралы анықтаманың көшірмесі;
- 4) өзгерістер мен толықтырулармен бірге жарғының нотариалды куәландырылған көшірмесі.

2.15. Атаулары бірдей және Қазақстан Республикасының бір қаласын (елді мекенін) ұсынатын клубтар ҚФФ өткізетін жарыстарға бір мезгілде қатысуға жол берілмейді.

2.16. ҚРЧ қатысушы клубтарды қайта ұйымдастыруға ҚФФ жазбаша рұқсатымен ғана жол беріледі.

2.17. Егер ҚРЧ-нан шығарылған клуб командасы ҚРЧ-дағы матчтардың 13-тен азын өткізсе, онда оның нәтижелері жойылады. Клуб командасы матчтардың 13 және одан артығын ҚРЧ-нан шығарған жағдайда, оған қалған матчтардағы жеңілістер есептеледі, ал қарсылас командаларға гол соғып, жіберіп алған доптардың айырмашылығын өзгертпестен жеңістер беріледі.

2.18. FIFA, UEFA, ҚФФ регламенттеуші құжаттарының, лицензиялау жөніндегі қағидалардың талаптарын, оның ішінде ҚФФ өткізетін жарыстарға қатысу үшін лицензиялау процедурасын өткізуге өтініштің, жарыстарды ұйымдастыру жөніндегі өзара қатынастар туралы келісімнің, құпиялылық туралы келісімнің, ҚФФ-ның заңды органдарының футбол клубтарына лицензияны қайтарып алуға дейін санкциялар қолдану құқығындағы талаптарын орындамағаны үшін.

3 БӨЛІМ. МЕДИЦИНАЛЫҚ-САНИТАРЛЫҚ ЖӘНЕ ДОПИНГКЕ ҚАРСЫ ҚАМТАМАСЫЗ ЕТУ

3.1. Матч ұйымдастырушысы матч басталғанға дейін бір сағаттан кешіктірмей және бүкіл матч барысында дефибрилятор мен өкпені жасанды желдету аппаратының міндетті түрде болуымен медициналық персоналы бар жедел медициналық жәрдем машинасының және қажетті реанимациялық жабдықтың болуын қамтамасыз етуге міндетті. Жедел жәрдем машинасы стадионнан барлық көрермендер, командалар мен ресми тұлғалар кеткеннен кейін ғана кетеді. Реанимобиль стадионға келмеген жағдайда матч өткізуге тыйым салынады.

3.2. Медициналық, оның ішінде реанимациялық жабдықтың болуы мен жұмыс қабілеттілігін қабылдаушы клубтың дәрігерлері матч басталғанға дейін матч делегатының қатысуымен тексереді. Жабдықтың толықсыздығы немесе жедел медициналық көмек көрсетуді қиындататын өзге де мәңжайлар анықталған жағдайда делегат тиісті шараларды қолдануға міндетті.

3.3. Міндетті допингтік бақылау допингке қарсы күресті жүзеге асыратын халықаралық ұйым айқындаған және Халықаралық олимпиада комитеті мойындаған спорттық жарысқа қатысушыларды тестілеу үшін халықаралық стандарттың талаптарын сақтай отырып жүргізіледі.

4 БӨЛІМ. ЧЕМПИОНАТҚА ҚАТЫСУҒА ӨТІНІМДЕРДІ БЕРУ ТӘРТІБІ МЕН МЕРЗІМІ, ҚАРЖЫЛАНДЫРУ ШАРТТАРЫ

ҚРЧ-на қатысуға өтінімдер беру тәртібі мен мерзімі

4.1. Өтінім құжаттамасын ұсыну және ресімдеу тәртібі тиісті хатта ҚФФ бекіткен кестеге сәйкес жүзеге асырылады.

ҚРЧ-на қатысу үшін ойыншыларды тіркеу осы Регламентте көзделген құжаттар тіркеу трансферлік кезеңдері шегінде берілген жағдайда жүргізіледі.

4.2. 2025 жылғы маусымда ойыншылардың ауысуын тіркеу үшін төмендегі 2 (екі) тіркеу трансферлік кезең анықталды:

1) бірінші кезең: 20 қаңтардан 04 сәуірге дейін (Астана қ. уақыты бойынша сағат 24:00-ге дейін);

2) екінші кезең: 25 маусымнан 30 шілдеге дейін (Астана қ. уақыты бойынша сағат 24:00-ге дейін).

4.3. Өтінім құжаттамасын ресімдеу KFF Connect жүйесінде жүзеге асырылады.

Клуб ҚФФ-на бекітілген нысан бойынша хат жолдай отырып, тіркеу іс-әрекеттерін жүзеге асыру кезінде қажетті құжаттарды ресімдеуге және ұсынуға жауапты қызметкерді (қызметкерлерді) тағайындауға міндетті. Нысанда сондай-ақ Клуб құжаттарды жіберу үшін пайдаланатын электрондық мекен-жайлар көрсетіледі, оларды электрондық нысанда сканерленген көшірмелер түрінде ұсынуға жол беріледі. Бұл ретте жоғарыда көрсетілген электрондық мекен-жайларды пайдалана отырып алынған құжаттар уәкілетті тұлға және клубтың мөрімен куәландырылған құжаттардың көшірмелері заңды күшіне ие болады, олар сенімді (өзгесінің дәлелдемелерін алғанға дейін) және уәкілетті тұлғалар ҚФФ-на жіберген болып есептеледі.

Клуб кем дегенде бір өкіл үшін KFF Connect жүйесіне рұқсат алуға міндетті.

4.4. ҚРЧ-на қатысу үшін Клуб ҚФФ-ға (электрондық мекенжайға: reg@kff.kz) тиісті хатта ҚФФ бекіткен кестеге сәйкес мыналарды ұсынуы тиіс:

1) ҚРЧ қатысушысының өтініші;

2) Клубтың атынан қаржылық және өкімдік құжаттарға қол қою құқығына ие тұлғалар тізімі (қолдардың үлгілерін ұсынуымен);

3) Клубтың заңды және нақты мекен-жайлары, банктік деректемелері;

4) ойыншылар міндетті медициналық қаралудан өтетін медициналық мекеменің медициналық қызметті іске асыруға лицензияның көшірмесі. Құжатты Клуб «А», «В» және «С» өтінім парақтарын ұсынумен бір мезгілде ұсынады.

4.5. ҚРЧ-на қатысу үшін мәлімделген барлық тұлғаларға мыналар ұсынылады:

1) жеке басын куәландыратын құжаттың көшірмесі (Қазақстан Республикасының азаматтары үшін – KFF Connect жүйесіне жүктелетін паспорттың және/немесе жеке куәліктің көшірмесі). Құжаттардың түпнұсқаларын ҚФФ қосымша талап ете алады;

2) бет сайын қол қойылуы тиіс еңбек шарты (барлық толықтырулармен, өзгертулермен және қосымшалармен) тігіледі, мөрмен расталады және KFF Connect жүйесіне жүктеледі. Еңбек шартының барлық тармақтары мен тармақшалары басып шығарылуы тиіс. Қолмен толтырылған еңбек шартының тармақтары мен тармақшалары тіркеуге қабылданбайды. Егер қолданыстағы еңбек шарты ҚФФ-да тіркеуден өткен болса, Клуб осы тіркелген еңбек шартының көшірмесін ұсынады. Еңбек шарттарының түпнұсқаларын (тігілген түрдегі үш дана) тіркеуді ҚФФ тиісті тіркеу трансферлік кезеңі жабылғаннан кейін 30 күн ішінде жүзеге асырады. Көрсетілген мерзімде еңбек шарттарының түпнұсқалары ұсынылмаған жағдайда материалдар ҚФФ заң органдарына берілетін болады;

- 3) әр ойыншыға допингке қарсы курстан өткені туралы сертификат;
- 4) бекітілген нысан бойынша дербес деректерді өңдеуге келісім;
- 5) Техникалық регламенттің талаптарына сәйкес фотосуреттердің электрондық нысандары;
- 6) «А1» өтінім парағына енгізілген әрбір бапкерге лицензия (сертификат) KFF Connect жүйесіне жүктеледі. Клубтың бас бапкері UEFA «PRO» санатындағы бапкер лицензиясына ие болуы керек.

4.6. ҚФФ қамқорлығымен өткізілетін жарыстарға қатысатын футбол клубтарының барлық ойыншылары маусым басталғанға дейін мыналар туралы хабарламаға қол қоюға міндетті:

- 1) Ойыншылар шарттық матчтарда ұйымдастыру үшін жеке жауапкершілік туралы ескертілді;
- 2) Ойыншыларға кез келген футбол жарыстарына байланысты құмар ойындарға (букмекерлік кеңселердегі ставкаларды қоса) тыйым салу туралы ескертілді;
- 3) Ойыншылар ҚФФ-дағы матчтардың нәтижелерін манипуляциялаудың кез келген белгілі немесе болжамды фактілері туралы ақпаратты дереу ұсынуға міндетті (шарттық матчтарды ұйымдастыру әрекеттері туралы ҚФФ Жарыстар қауіпсіздігі мен интегрити қызметіне хабарлау);
- 4) Хабарламаға қол қою регламентте белгіленген мерзімде маусым басталғанға дейін жүзеге асырылуға тиіс. Қол жинау жауапкершілігі қол қойылған құжаттарды тіркеу үшін ҚФФ-ға беруге міндетті футбол клубтарына жүктеледі;
- 5) Осы хабарламаға қол қоюды және оның орындалуын бақылауды ҚФФ Жарыстар қауіпсіздігі және интегрити қызметі ҚФФ тәртіптік органдарымен ынтымақтастықта жүзеге асырады.

4.7. Ойыншыларды тіркеу Регламенттің ережелеріне сәйкес ойыншылардың мәртебесі мен ауысуы бойынша жүзеге асырылады. ҚРЧ-на қатысу үшін Клуб мәлімдеген әрбір ойыншыға мыналар ұсынылады:

1) ойыншының ауысуын растайтын құжаттар: трансферлік шарт, «жалдау» шарты, ойыншының ауысуы туралы куәлік, өтемақы төлемдері туралы шарт. Осы құжаттардың түпнұсқаларын (3 немесе 4 («жалдау» кезінде) данада) тіркеу трансферлік тіркеу кезеңі жабылғаннан кейін 30 күн ішінде ҚФФ-да жүргізіледі. Егер Клуб құжатты шет тілінде ұсынған жағдайда, онда құжатқа оның қазақ немесе орыс тілдеріндегі аудармасы қоса берілуі тиіс;

2) KFF Connect жүйесіне жүктелген халықаралық трансферлік сертификаты. Ойыншыны тіркеу сәтінде халықаралық трансферлік сертификат болмаған жағдайда (тіркеу трансферлік кезеңнің мерзімі аяқталғанға дейін оны TMS FIFA жүйесінде беруге сұрау салу жүзеге асырылған жағдайда) ойыншының шартты өтініміне (халықаралық трансферлік сертификатты алғанға дейін ресми матчтарға қатысу құқығынсыз) жол беріледі. Бұл жағдайда ойыншыны KFF Connect жүйесінде тіркеуді Клуб ойыншының ауысуына халықаралық трансферлік сертификат алғаннан кейін жүргізеді;

3) KFF Connect жүйесіне жүктелген FIFA DTMS жүйесі арқылы алынған ішкі аударым сертификаты. Клубтар ішкі трансферлік сертификатын алу үшін FIFA DTMS жүйесінде ішкі ауысу процесін көрсетуге міндетті;

4) Осы регламенттің 6.9.2-тармағының ұйғарымына жататын және 2015, 2016, 2017, 2018, 2019, 2020, 2021, 2022, 2023, 2024 жж. маусымдарында Чемпионатқа және Біріншілікке қатысу үшін мәлімденбеген (reg@kff.kz электрондық мекен-жайына жолдау арқылы) ойыншыларда Қазақстан Республикасының азаматтығын растайтын құжат. Бұл құжатты көші-қон полициясы органдары клубтың ҚФФ-да өтінім құжаттамасын рәсімдеген күніне дейін күнтізбелік 5 күннен ерте бермеуі тиіс.

5) ойыншыны жазатайым оқиғалардан сақтандыру бойынша сақтандыру полисі (Клуб сақтандыру қызметін жүзеге асыратын ұйыммен сақтандыру компаниясы куәландырган сақтандырылған ойыншылардың тізімін reg@kff.kz электрондық пошта арқылы қоса бере отырып, сақтандыру компаниясына жіберілетін қолданыстағы шартты ұсына алады).

6) Клуб «легионер» ретінде емес мәлімдеген футболшы мәртебесіне қатысты ҚФФ-да негізделген күмән болған жағдайда - «легионер» мәртебесінің жоқтығын растайтын құжат (ФИФА Футбол трибуналының мәртебесі бойынша Палатаның спорттық азаматтығын ауыстыру туралы шешімі, ҚФФ-ның ойыншылардың мәртебесі бойынша «легионер» мәртебесінің жоқтығы туралы шешімі, Армения Республикасы, Беларусь Республикасы, Қырғыз Республикасы, Ресей Федерациясы футбол федерацияларының футболшының тиісті елдердің құрамаларына қатысу құқығы туралы хаттары және т. б.).

7) осы регламентте көзделген жарналарды аудару туралы банктің белгісі бар төлем тапсырмалары (reg@kff.kz электрондық мекен-жайына жіберу арқылы);

4.8. ҚРЧ матчтарына клубтың «А», «В», «С» өтінім парақтарына енгізген, ҚФФ-ға (электрондық мекен-жайға: reg@kff.kz) жіберілетін футболшылар өнер көрсетуге құқылы.

Өтінім парақтарына Клуб басшысы қол қояды және Клубтың мөрімен куәландырылады. «А», «В» және «С» өтінім парақтарын қосымша команда дәрігерінің қолымен және медициналық мекеме басшысының қолымен куәландыру қажет.

4.9. ҚФФ-ға жіберілетін «А» өтінім парағы (электрондық мекен-жайға: reg@kff.kz) мынадай талаптарға сай болуы тиіс:

1) Клубтың өтінім парағына 25 ойыншыдан аспайтын ойыншыларды қосуға, оның ішінде барлық маусым бойы «Қазақстан футболының тәрбиеленушілері» болып табылатын кемінде 13 ойыншының өтінім парағында болуын қамтамасыз етуге құқығы бар;

4.10. бір уақытта бір клубқа («А» өтінім парағы) жалға алынған ойыншылардың саны мәлімделуі мүмкін, бұл ойыншылардың мәртебесі мен ауысуы бойынша ҚФФ регламентінде қарастырылған;

4.11. «В» өтінім парағы ҚФФ-ға ұсынылады (электрондық мекен-жайға жіберу арқылы reg@kff.kz). Клуб 2004 ж.т. аспайтын, «Қазақстан футболының тәрбиеленушілері» болып табылатын 25 ойыншыдан артық емес мәлімдеуге құқылы.

4.12. Клуб бір уақытта «әуесқой» мәртебесіне ие, «қазақстандық футбол тәрбиеленушілері» болып табылатын және ҚФФ балалар-жасөспірімдер (жастар) футболы бойынша 2025 жылғы маусымда жарыстарға қатысуға мәлімденген, 2009 ж.т. кіші емес 10 ойыншыдан артық емес өтінім парағына енгізе алатын reg@kff.kz электрондық мекен-жайына жолданатын «С» өтінім парағы (Клубтың қалауы бойынша). Ойыншылардың деректерін тіркеу KFF Connect жүйесінде жүзеге асырылады. «С» өтінім парағына сәйкес ойыншыларға өтінім берген кезде клуб мыналарды ұсынады:

4.13. 2025 жылғы маусымда ҚФФ өткізетін жастар біріншіліктеріне қатысу үшін клуб командасының тиісті түрде куәландырылған өтінім парағының көшірмесі (reg@kff.kz электрондық мекен-жайына жіберіледі);

4.14. ойыншыны клубқа қабылдау туралы бұйрықтың көшірмесі (әр ойыншыға) KFF Connect жүйесіне жүктеледі;

4.15. әр ойыншыға паспорттың және/немесе жеке куәліктің көшірмелері KFF Connect жүйесіне жүктеледі;

4.16. барлық ойыншыларды жазатайым оқиғалардан сақтандыру бойынша сақтандыру полисінің көшірмесі (электрондық мекен-жайға жіберіледі reg@kff.kz).

4.17. «С» өтінім парағына енгізілген ойыншылардың өтінімі мен өтінімін қайтару 2025 жылғы маусымда ҚФФ өткізетін жастар біріншіліктеріне қатысу үшін олардың өтінімінен кейін бүкіл маусым бойы жүзеге асырылады.

4.18. ҚРЧ матчтарында клубтың ҚФФ-ға жіберілетін (электрондық мекен-жайға: reg@kff.kz) «А1» өтінім парағына енгізген ресми тұлғалары техникалық аймақта болуға құқылы. Өтінім парағына Клуб басшысы қол қояды және Клубтың мөрімен куәландырылады. Клубтың ресми тұлғаларын тіркеу бүкіл спорт маусымы бойы жүзеге асырылады.

4.19. Жеке тұлғаның өтінімі (тіркеуі) бір мезгілде тек 1-ші өтінім парағы бойынша көзделген.

4.20. Клубтың ойыншыларды маусым ресми тұлғаларының өтінімін қайтару ҚФФ клубтың өтініші және растайтын құжаттарды ұсыну негізінде бүкіл спорт маусымы бойы жүзеге асырады. Клубтың бапкерлер құрамы мен әкімшілік қызметкерлері бүкіл ҚРЧ-да мәлімделуі мүмкін.

Клубтың мәлімделген ойыншысымен немесе ресми тұлғасымен еңбек шарты мерзімінен бұрын бұзған (тоқтатқан) жағдайда Клубтың осы тұлғалар бойынша өтініш қайтару жөніндегі әрекеті еңбек шарты бұзылған (тоқтатылған) күннен бастап 10 (он) жұмыс күнінен аспауға тиіс.

4.21. 45 күнтізбелік күн ішінде, тиісті тіркеу трансферлік кезеңі аяқталған күннен кейін клубтар ҚФФ-ға еңбек шарттарын алған адамдардың қолдары қойылған команданың ойыншыларына, бапкерлеріне және мамандарына еңбек шарттарын беруге арналған ведомостың түпнұсқасын ұсынуға міндетті.

4.22. Клуб келесі жағдайларда осы регламенттің 4.2.-тармағында көрсетілген тіркеу кезеңдерінің шекараларынан тыс ойыншыны «А» өтінім парағына мәлімдеуге құқылы:

1) «А» өтінім парағына енгізілген ойыншының қайтыс болуы;

2) «А» өтінім парағына енгізілген қақпашының ауыр жарақаты. Клуб ойыншыға тек тиісті позицияға (қақпашыға) өтінім беруге құқылы;

3) Ұлттық Футбол Қауымдастықтарының құрама командаларының орналасқан жерінен алынған «А» өтінім парағына енгізілген ойыншының ауыр жарақаты.

Егер жарақатты емдеуге кемінде 3 күнтізбелік ай қажет болса, ол ауыр болып саналады. Жарақаттың ауырлығы және оны емдеу мерзімдері туралы қорытындыны «Спорттық медицина және оңалту орталығы» республикалық мемлекеттік қазыналық кәсіпорнының дәрігерлері немесе оның басқа ұлттық футбол қауымдастығындағы баламасы шығарады.

Клуб ойыншыға осы тармақтың шарттары бойынша, егер осы ойыншының ауысуына халықаралық трансферлік сертификат алу талап етілмеген жағдайда және өтінім берілген жағдайда ғана өтінім беруге құқылы. Осы регламенттің 4.22.2. және 4.22.3.-тармақшаларында көрсетілген мән-жайлар бойынша «А» өтінім парағынан шығарылған ойыншының кейінгі өтінімі осы регламенттің талаптарын сақтай отырып, тіркеу трансферлік кезеңдері шеңберінде ғана мүмкін болады.

4.23. Өтінім жарналарын төлемеген және/немесе:

- 1) ҚФФ заң органдары салған айыппұлдар бойынша;
- 2) өз қызметкерлерінің алдында жалақы және өзге де төлемдер бойынша;
- 3) трансферттік шарттар/өтемақы төлемдері туралы шарттар бойынша берешегі бар клубтар өтінім құжаттамасын рәсімдеуге жол берілмейді.

Қаржылық шарттар

4.24. Өтінім жарнасы тек ҚРЧ-на рұқсат алуға және қатысуға құқық береді және консультативтік және өзге де қызметтер көрсетуді қамтымайды.

4.25. ҚРЧ-на қатысу үшін өтінім жарнасының мөлшері ҚФФ Президентінің өкімімен бекітіледі. Өтінім жарнасының мөлшері ҚР Кубогына қатысуды да қамтиды және жастар командасының (U-21) Бірінші Лига Біріншілігіне немесе Екінші Лига Біріншілігіне қатысуын қамтымайды.

Өтінім жарнасының барлық сомасын клубтар ҚФФ Президентінің өкімімен белгіленген мерзімде ҚФФ-ға төлсіді.

4.26. Чемпион атағы үшін «қосымша» матчтың (турнирдің) қатысушылары болып табылатын Клубтар команданың матч (турнир) өтетін жерге дейін және кері сапармен, тамақтану және тұру шығындарымен байланысты шығындарын өз беттерінше көтереді. Клубтар «қосымша» матчты (турнирді) ұйымдастыруға байланысты басқа да қосымша шығындарды көтере алады.

4.27. ҚФФ ҚРЧ матчына матчтың ресми тұлғаларын тағайындауға байланысты келесі шығындарды көтереді:

- 1) матч (матчтар) өтетін жерге дейін және кері қайту;
- 2) нормативтік актілерде белгіленген нормалар бойынша жолда тамақтануға арналған шығындар;
- 3) матчты (матчтарды) өткізу кезінде қалада (елді мекенде) болу кезінде тұру және тамақтану жөніндегі шығындар.

4.28. Матчтарды төрелік ету және инспекциялау жөніндегі қызметтер үшін ҚФФ жүргізетін сыйақыларды төлеу мынадай мөлшерде (бір матч үшін есептегенде) жүзеге асырылады:

- 1) төреші – 356 757 (үш жүз елу алты мың жеті жүз елу жеті) теңге;
- 2) төрешінің ассистенті – 198 198 (жүз тоқсан сегіз мың жүз тоқсан сегіз) теңге (әрқайсысына);
- 3) VAR төрешісі – 169 884 (жүз алпыс тоғыз мың сегіз жүз сексен төрт) теңге;
- 4) VAR төрешісінің ассистенті – 141 570 (жүз қырық бір мың бес жүз жетпіс) теңге;
- 5) VAR операторы – 77 864 (жетпіс жеті мың сегіз жүз алпыс төрт) теңге;
- 6) резервтік төреші – 31 146 (отыз бір мың жүз қырық алты) теңге;
- 7) инспектор – 127 413 (жүз жиырма жеті мың төрт жүз он үш) теңге;
- 8) тв инспекторы – 21 780 (жиырма бір мың жеті жүз сексен) теңге.

4.29. Матч делегаты көрсететін қызметтер үшін ҚФФ төлейтін сыйақы мөлшері 90 000 (тоқсан мың) теңгені құрайды (бір матч үшін есептегенде).

4.30. Матчтың ресми тұлғаларының жол жүруі әуе көлігімен жүзеге асырылады. Елді мекендер арасында әуе қатынасы болмаған жағдайда теміржол немесе автомобиль көлігімен жол жүру ақысын төлеуге (оның ішінде ЖЖМ шығындарын төлеуге/өтеуге) жол беріледі.

4.31. Клуб ҚРЧ қатысушыларының құрамынан шығарылған жағдайда, клуб бұрын төлеген жарналар қайтарылмайды.

5-БӨЛІМ. ҚРЧ ЧЕМПИОНЫ МЕН ЖҮЛДЕГЕРЛЕРІН МАРАПАТТАУ ТӘРТІБІ

Командалардың орындарын анықтау

5.1. ҚРЧ барысында және оның қорытындысы бойынша командалардың турнир кестесіндегі орындары барлық ойналған матчтарда жинаған ұпай сомасы бойынша айқындалады. Матчта жеңіске жету үшін – 3 ұпай, тең түсу үшін – 1 ұпай есептеледі, жеңіліс үшін ұпайлар берілмейді.

5.2. ҚРЧ қорытындысы бойынша ең көп ұпай жинаған команда бірінші орынды иеленеді, ал қорытындыларды ҚФФ Атқару комитеті бекіткеннен кейін «2025 жылғы маусымның Қазақстан Республикасының футбол бойынша чемпионы» деп жарияланады.

5.3. Екі немесе одан да көп командалардың ұпайлары тең болған жағдайда, ҚРЧ турнирлік кестесіндегі командалардың орындары (Регламенттің 5.4. және 5.5.-тармақшаларында көзделген жағдайларды қоспағанда) келесідегідей анықталады:

1) барлық матчтарда гол соғылған және жіберіп алған доптардың ең жақсы айырмашылығы бойынша;

2) барлық матчтардағы жеңістердің ең көп саны бойынша;

3) барлық матчтарда ең көп соғылған доптар саны бойынша;

4) өздері арасында ойындардың нәтижелері бойынша (ұпай саны, жеңістер саны, соғылған және өткізіп алған доптар арасындағы айырмашылық, соғылған доптар саны);

5) барлық матчтарда команданың ойыншылары мен бапкерлері алған алаңнан ең аз қуулар бойынша;

6) барлық матчтарда команданың ойыншылары мен бапкерлері алған ең аз ескертулер бойынша.

Осы тармақтағы барлық көрсеткіштер басымдық тәртібімен көрсетілген, яғни есептеу кезінде басымдық алдыңғы көрсеткішке беріледі.

Жоғарыда көрсетілген барлық көрсеткіштер тең болған кезде ҚРЧ қорытынды турнир кестесіндегі командалардың орындары жеребе лақтыру арқылы анықталады.

5.4. ҚРЧ қорытынды турнир кестесінде ең көп санын жинаған 2 команданың ұпайлары тең болған жағдайда, чемпион осы командалар арасындағы «қосымша» матчпен анықталады. Егер «қосымша» матчтың негізгі уақыты тең аяқталса, онда қосымша уақыт тағайындалады (15 минуттан 2 тайм). Егер қосымша уақытта жеңімпаз анықталмаса, онда ол Ойын ережелеріне сәйкес 11 метрлік белгіден соққылардың көмегімен анықталады.

5.5. ҚРЧ қорытынды турнир кестесінде ұпайлардың көп санын жинаған 2-ден астам команданың ұпайлары тең болған жағдайда, жеребе тастауды өткізуді қоспағанда, чемпион Регламенттің 5.3-тармағына сәйкес анықталады. Барлық осы көрсеткіштердің абсолютті теңдігімен чемпион осы командалардың «қосымша» турнирінде анықталады. «Қосымша» матчты (турнирді) өткізу шарттары мен орнын ҚФФ айқындайды.

ҚРЧ жеңімпазы мен жүлдегерлерін марапаттау

5.6. ҚРЧ-да бірінші орын алған клубқа «2025 жылғы Қазақстан Республикасының футбол бойынша чемпионы» атағы беріледі. Клуб ауыспалы сыйлықпен және дипломмен марапатталады. Клубтың ойыншылары мен ресми тұлғаларына «2025 жылғы Қазақстан Республикасының футбол бойынша чемпионы» атағы беріледі, олар медальдармен (дипломдармен - қосымша сұрау бойынша) марапатталады.

5.7. ҚРЧ-да екінші және үшінші орын алған клубтар дипломдармен марапатталады. Клубтың ойыншылары мен ресми тұлғалары күміс пен қола медальдармен (дипломдармен - қосымша сұрау бойынша) марапатталады.

5.8. Әр командада марапатталатындардың жалпы саны 45 адамнан аспайды.

5.9. Клубтар (ҚФФ-мен жасалған сақтау шарттарының негізінде) оларға берілген жүлделердің сақталуына жауапты болады.

6 БӨЛІМ. НАРАЗЫЛЫҚ БЕРУ ТӘРТІБІ ЖӘНЕ ОЛАРДЫ ҚАРАУ, ӨЗГЕ ДЕ ШАРТТАР

Наразылық беру тәртібі және оларды қарау

6.1. Клубтарға, ресми тұлғаларға, ойыншыларға және футболдың өзге де субъектілеріне тәртіптік санкцияларды ҚФФ заң органдары Тәртіптік регламентке, Әдеп кодексіне және ҚФФ өзге де ережелеріне (бұдан әрі – «ҚФФ тәртіптік ережелері») сәйкес қолданады.

6.2. Наразылықты БТӘК қарайды. Наразылық беру және қарау тәртібі ҚФФ Тәртіптік регламентімен реттеледі.

ҚРЧ мақсаттары

6.3. ҚРЧ мынандай мақсаттарда өткізіледі:

- 1) Қазақстан Республикасында футболды дамыту;
- 2) ойыншылардың шеберлік деңгейін арттыру;
- 3) Қазақстан Республикасының құрама командалары мен клубтардың халықаралық жарыстарда табысты өнер көрсетуіне дайындық;
- 4) Қазақстан Республикасының жанкүйерлері, жұртшылығы, бұқаралық ақпарат құралдары және іскер топтары арасында қазақстандық футболды насихаттау;
- 5) футбол әуесқойларының бос уақытын ұйымдастыру;
- 6) ҚРЧ жеңімпазы мен жүлдегерлерін анықтау;
- 7) ҚРЧ қорытынды кестесінде командалардың орындарын анықтау.

ҚРЧ ұйымдастыру және өткізу

6.4. ҚРЧ ұйымдастыру және өткізуді бақылау футбол бойынша жалғыз аккредиттелген және Қазақстан Республикасының Ұлттық олимпиада комитеті мойындаған республикалық спорт федерациясы ретінде, сондай-ақ Қазақстан Республикасының аумағында FIFA және UEFA жалғыз мүшесі ретінде ҚФФ іске асырады.

6.5. ҚРЧ өткізуді және басқаруды, сондай-ақ ҚРЧ ұйымдастыруды бақылауды ҚФФ жүзеге асырады.

6.6. ҚФФ ҚРЧ-н ұйымдастыруға байланысты мынадай өкілеттіктерді жүзеге асырады:

- 1) ресми атауды, рәміздерді және жедел басқаруды бекіту (ҚРЧ);
- 2) регламент талаптарының сақталуын әзірлеу, келісу және бақылау;
- 3) ҚРЧ ойындарының күнтізбесін әзірлеу және бекіту;
- 4) ҚРЧ төрешілігі мен инспекциясын қамтамасыз ету, оның ішінде төрешілер мен инспекторларды ҚРЧ матчтарына қызмет көрсету үшін тағайындау, оларға ҚРЧ матчтарына қызмет көрсету бойынша көрсетілген қызметтер үшін сыйақы төлеу;
- 5) ҚРЧ матчтарына делегаттарды тағайындау және оларға ҚРЧ матчтарына қызмет көрсету бойынша көрсетілген қызметтер үшін сыйақы төлеу;
- 6) ҚРЧ қатысу үшін футбол клубтарын лицензиялау;
- 7) ҚРЧ матчтары өткізілетін спорт ғимараттарын лицензиялау;
- 8) ҚРЧ-на қатысатын ойыншыларды тіркеу;
- 9) ҚРЧ-на қатысу үшін футбол клубтарының өтінім процедурасын және өтінім құжаттамасын тіркеуді жүзеге асыру (еңбек шарттары, трансферлік шарттар, өтемақы төлемдері туралы шарттар және т. б.);
- 10) ҚРЧ-н өткізу кезінде пайдаланылатын құжаттардың үлгілерін бекіту (матч хаттамасы, делегаттың есебі, өтінім парағы, ҚРЧ-на қатысушының өтініші және т. б.);
- 11) футбол клубтарының бапкерлері мен өзге де ресми тұлғаларын даярлау және қайта даярлау жөніндегі іс-шараларды ұйымдастыру және өткізу, оларды аттестаттау;
- 12) ҚРЧ қатысушыларына қолданылатын тәртіптік санкциялар тізбесін, мөлшерін және оларды қолдану тәртібін бекіту;
- 13) ҚРЧ өткізу барысында жіберілген бұзушылықтар үшін ҚРЧ қатысушыларына тәртіптік санкциялар салу;
- 14) матчтардың нәтижелерін тіркеу және ҚРЧ қорытындыларын бекіту;
- 15) футбол клубтары, ойыншылар, футбол клубтарының ресми тұлғалары арасындағы қақтығыстар мен дауларды шешу;

16) ҚРЧ қатысушыларына қолданылатын айыппұл санкцияларын нысаналы пайдалану тәртібін айқындау;

17) ҚРЧ ресми және өзге де демеушілері мен серіктестерін тағайындау;

18) Қазақстан Республикасының заңнамасына, ҚФФ жарғысына және Регламентке сәйкес ҚРЧ ұйымдастырушысының өзге де өкілеттіктері.

Қазақстан футболының тәрбиеленушісі

6.7. Қазақстан футболының тәрбиеленушісі 12 жастан бастап (ойыншы 12 жасқа толған спорт маусымының басы) 21 жасқа дейінгі (ойыншы 21 жасқа толған спорт маусымының аяғы) үш толық спорт маусымы ішінде Қазақстан Республикасының кез келген футбол клубында және/немесе спорт мектебінде тіркелген ойыншы болып табылады (бұдан әрі – Тәрбиеленуші).

6.8. Егер ойыншыны тіркеу туралы деректер болмаса, онда Тәрбиеленуші деп қазақстандық клубқа ауысуға халықаралық трансферлік сертификат берілмеген ойыншы түсініледі.

6.9. Сондай-ақ, Тәрбиеленушілерге Регламенттің 6.7. және 6.8. тармақшасының әрекетіне келмейтін, бірақ төменде көрсетілген талаптардың кем дегенде біреуіне сәйкес келетін ойыншылар теңестіріледі:

1) Қазақстан Республикасының Жасөспірімдер (U-19 және U-17), Жастар (U-21) немесе Ұлттық құрама командалары үшін ресми матчтарға (Әлем және/немесе Еуропа чемпионаттарының, УЕФА Ұлттар Лигасының іріктеу циклдерінің және/немесе финалдық турнирлерінің матчтары) қатысқан ойыншылар.

Егер осы тармақшада көрсетілген ойыншы азаматтығының өзгеруі себебінен Қазақстан Республикасының құрама командалары үшін өнер көрсету құқығынан айырылған жағдайда, бұл ойыншы автоматты түрде Тәрбиеленуші мәртебесінен айырылады.

Егер осы тармақшада көрсетілген ойыншы FIFA немесе Спорттық төрелік соттың (CAS) шешімі бойынша Қазақстан Республикасының құрама командалары үшін өнер көрсету құқығынан айырылған жағдайда, оның Тәрбиеленуші мәртебесі Қазақстан Республикасындағы тіркеу трансферлік кезеңінің FIFA/CAS шешімі шыққан күннен кейін ең жақын болғанға дейін сақталады. Көрсетілген тіркеу трансферлік кезеңнің бірінші күнінде бұл ойыншы Тәрбиеленуші мәртебесінен айырылады;

2) Тәрбиеленуші ұғымын қабылдау кезінде (2014 жылғы қараша) Қазақстан Республикасының азаматтары болған және ҚФФ ойыншылары ретінде тіркелген Қазақстан азаматтары болып табылатын ойыншылар.

6.10. Тәрбиеленушінің мәртебесін тексеру кезінде футбол клубтары ҚФФ-ның талабы бойынша қосымша құжаттарды (Қазақстан Республикасының азаматтығын растайтын құжат, мекен-жай анықтамасы, туу туралы куәлік, оқу орындарынан анықтама және т.б.) ұсынуға міндетті.

ҚРЧ өткізу шарттары

6.11. ҚРЧ матчтары «әрқайсысы әрқайсысымен» принципі бойынша өз алаңында және қарсылас алаңында екі айналымда өткізіледі. Матчтың ұзақтығы – 45 минуттан екі тайм, үзілістің ұзақтығы – 15 минут.

6.12. ҚРЧ матчтарына «А», «В» және «С» өтінім парақтарына енгізілген ойыншылар қатысуға құқылы. ҚРЧ матчының хаттамасына клуб Регламенттің 6.15-тармақтың талаптарына сәйкес келетін «В» және/немесе «С» өтінім парақтарында тіркелген 5 ойыншыдан аспайтын ойыншыларды қосуға құқылы.

6.13. ҚРЧ матчтарын өткізу кезінде матч хаттамасына бір команданың құрамына 11 негізгі және 12 қосалқы ойыншыдан артық енгізілмеуі мүмкін.

6.14. Матч кезінде Ойын ережелеріне сәйкес белгіленген техникалық аймақта орналасқан арнайы бөлінген орындарда клубтың «А1» өтінім парағына енгізілген ресми тұлғалары болуға құқылы. Техникалық аймақта матч кезінде бір мезгілде болған клубтың ресми тұлғаларының жалпы саны 7 адамнан аспауы тиіс. Матч хаттамасына команданың бас бапкері (немесе бас бапкердің міндетін атқарушы) және команданың дәрігері міндетті түрде қосылуы (және төтенше жағдайларды қоспағанда, бүкіл матч бойы техникалық аймақта болуы) керек. Матч ішінде техникалық аймақ шегінде матч хаттамасына енгізілмеген тұлғалардың және дисквалификацияланған ойыншылардың

болуына жол берілмейді. Техникалық аймақта бөгде тұлғалардың болуына резервтік төреші жауапты болады.

6.15. ҚРЧ матчы барысында әрбір команда құрамында матч хаттамасына енгізілген 5 ойыншыдан аспайтын ауыстыруға рұқсат етіледі. Әр команда ауыстыру және/немесе матч үзілісін өткізу үшін ойынның үш тоқтатуынан аспауы керек.

6.16. 2004 ж.т. аспаған, Тәрбиеленуші болып табылатын және ҚФФ өткізетін жарыстардың біріне қатысу үшін өтінім берілген кез келген ойыншы осы ойыншы өтініш берілген футбол клубы қатысушысы болып табылатын басқа жарысына қатыса алады. Осы тармақтың ережесі командалар бір заңды тұлғаның (футбол клубының) құрылымына кірген және ҚФФ өткізетін жарыстарының регламенттерімен қойылатын барлық өзге талаптар сақталған жағдайда ғана қолданылады.

6.17. Белгіленген тәртіппен рәсімделмеген немесе дисквалификацияланған футболшының ҚРЧ матчына қатысқан жағдайда (тек осы тармаққа қатысты футболшының алаңға шығуы матчқа қатысу болып саналады) матчтың нәтижесі жойылады, ал құрамында тиісті футболшы матчқа қатысқан команда ҚФФ Тәртіптік регламентіне сәйкес санкцияларға ұшырайды.

6.18. Клуб өкілдері ҚРЧ матчы басталғанға дейін 60 минуттан кешіктірмей FCMS жүйесіне алдағы матчқа өтінімді (бастапқы құрам, қосалқы ойыншылар, бапкерлер құрамы және команда персоналы) енгізуге міндетті. Осы матч басталғанға дейін кенеттен жаракат алу немесе физикалық әлсіздік себебінен матчтың FCMS жүйесіне енгізілген ойыншыны (ойыншыларды) ауыстыруға рұқсат етіледі. Бұл жағдайда негізгі құрамдағы ойыншы қосалқы ойыншылардың біріне ауыстырылуы мүмкін. Электрондық хаттамалау жүйесіндегі бұл ауыстыруларды тек резервтік төреші ғана жүргізе алады. Матч басталғанға дейін жүргізілген ауыстырулар осы тармаққа сәйкес Регламенттің 6.14-тармағында көзделген ауыстырулардың жалпы санына әсер етпейді. Резервтік төреші матч делегатын, сондай-ақ қарсылас команданың өкілін ауыстыру туралы хабарлайды. Делегат матч басталғанға дейін ойыншыны ауыстыруға себеп болған себептерді түсіндіре отырып, тиісті команданың дәрігерінен жазбаша түсініктеме сұрауы керек.

6.19. ҚРЧ ойындар күнтізбесіне сәйкес өткізіледі. ҚРЧ ойындар күнтізбесін ҚФФ Атқару комитеті бекітеді. Клубтың екі ресми матчының басталу уақыты арасындағы уақыт аралығы кемінде 48 сағатты құрауы тиіс (ҚР Кубогы мен UEFA клубтық жарыстарының матчтарын қоса алғанда).

6.20. ҚРЧ матчтарының басталу уақытын ҚФФ негізгі хабар таратушымен бірлесіп тағайындайды.

6.21. Егер футбол клубы ҚРЧ матчына өзінің келмейтіні туралы ҚФФ пен ТИД-ін ол өткізілетін күнге дейін күнтізбелік 2 күннен кешіктірілмейтін мерзімде хабардар еткен жағдайда, осы матчты өткізу жөніндегі ресми құжаттар (хаттама, делегаттың есебі) толтырылмайды.

6.22. ҚРЧ-ның ойналмаған матчтары қайталанып ойналмайды, бірақ келесі жағдайларға сәйкес ойын аяқталып шығады:

- 1) егер матч соңына дейін ойналмаса;
- 2) матч ресми тұлғасының пікірінше, ойыншылардың денсаулығы үшін қауіпті болып табылатын форс-мажорлық жағдайларға байланысты;
- 3) матч кезінде электр жарығы жүйесі істен шыққан жағдайда, матч ұйымдастырушысының кінәсінен емес және матчтың ресми тұлғасы айқындаған уақыт ішінде, бірақ матч тоқтаған уақыттан кейін бір сағаттан аспайтын уақыт ішінде ақаулықты жою мүмкін болмаған жағдайда.

Матч мүмкіндігінше тоқтатылған минуттан кейін болатын минуттан бастап келесі күні соңына дейін ойнатылады;

- 1) соңына дейін ойналмаған матчтың тоқтау уақыты матч хаттамасында және делегаттың есебінде көрсетілуі керек;

- 2) матч ойынының аяқтап шығудың басталу уақыты ҚФФ және негізгі хабар таратушымен келісіледі (телевизиялық хабар тарату жүзеге асырылған жағдайда);

- 3) соңына дейін ойнап шығу кезінде матчтың ойналған бөлігінің ұпайы сақталады;

- 4) матчтың ойынының аяқтап шығуына тек соңына дейін ойналмаған матчтың хаттамасына енгізілген ойыншылар ғана қатысады. Матчты ойнап шығуға медициналық көрсеткіштер (жаракат) бойынша қатысу мүмкін болмағанда және ауыстырулар шегін тауысқан кезде ойыншыны осы матчтың хаттамасына енгізілген басқа ойыншымен ауыстыруға болады. Жаракат алу фактісін бас бапкер және команда дәрігері жазбаша растайды. Медициналық көрсеткіштер бойынша

ауыстырылған ойыншы ҚФФ шешімі бойынша қосымша медициналық куәландыруға жіберілуі мүмкін;

5) ойыншыларға және клубтың ресми тұлғаларына матчтың ойнаған бөлігінде қолданылған барлық тәртіптік санкциялар соңына дейін ойнап шығу кезінде сақталады.

6.23. Матчты соңына дейін ойнап шығудың басталу күнін, орнын және уақытын ҚФФ анықтайды.

6.24. Келесі себептер бойынша соңына дейін ойналмаған матч ойнап шығуға жатпайды:

- 1) бір немесе екі команда ойыншыларының тәртіпсіз мінез-құлқы;
- 2) оған үшінші тұлғалардың, оның ішінде жанкүйерлердің араласуы;
- 3) алаңда бір (немесе екі) команданың құрамында 7 ойыншыдан аз болу;
- 4) Матч кезінде командалардың бірі алаңнан өз еркімен кеткен жағдайда. Осы матч бойынша шешімді БТӘК қабылдайды.

6.25. Матч ойындар күнтізбесінде белгіленген мерзімде өткізілуі керек. Матчты басқа мерзімге (күнге немесе сағатқа) келесі жағдайларда ауыстыруға рұқсат етіледі:

- 1) стадионның техникалық жай-күйі, оның ішінде электр жарығының істен шығуы және ақаулықты бір сағат ішінде жою мүмкін еместігі;
- 2) қарастыру және болжау мүмкін емес форс-мажорлық жағдайлар;
- 3) матчты метеожағдайлар және матч ресми тұлғаларының пікірінше, ойыншылардың денсаулығы үшін қауіпті басқа себептер бойынша өткізудің мүмкін еместігі;
- 4) клубтың UEFA жарыстарына қатысуы (Чемпиондар лигасы, Еуропа Лигасы және Конференциялар Лигасы). Клуб соңғы турдағы матчтарды қоспағанда, ойын туры аясында матчтың мерзімін ауыстыру туралы ҚФФ-на жүгінуге құқылы. Ойын турының шеңбері ҚРЧ ойындарының күнтізбесіне сәйкес матч өткізілетін күн, осы күннен кейінгі күн және осы күннің алдындағы күн болып саналады. Ойын туры шеңберінде матчтың мерзімін ауыстыру туралы ресми өтініш ҚФФ-ға ойындар күнтізбесіне сәйкес матч өткізілетін күнге дейін күнтізбелік 10 күннен кешіктірілмей келіп түсуге тиіс. Осы тармақшада көрсетілген негіздер бойынша матчты ойын турының шеңберінен тыс күнге ауыстыру осы матчқа қатысатын екі клубтың өзара келісімі бойынша, оны қайта өзгерту мүмкіндігінен тыс мерзімін ауыстырудың нақты күнін көрсете отырып ғана мүмкін болады. Бұл ретте ҚФФ матчтың мерзімін ауыстыруын бекітуге немесе одан бас тартуға құқығын қалдырады.

UEFA клубтық жарыстардың кезекті кезеңінің жеребе тастауы тиісті матчқа дейін күнтізбелік 10 күннен аз уақыт бұрын өткізілетін жағдайларда, осы матчтың мерзімін ауыстыру жеребе тасталған күннен кейінгі келесі күнтізбелік күннен кешіктірілмей UEFA жарыстарына қатысатын клубтың жазбаша өтініші бойынша жүзеге асырылуы мүмкін;

5) Регламенттің 1) - 4) тармақшаларында көрсетілмеген мән-жайлар бойынша ойындар күнтізбесіне өзгерістер енгізу. Матчтың мерзімін ауыстыру туралы шешімді ҚФФ қабылдайды.

6.26. Бір команданың матч күнін күнтізбелік маусым ішінде үш (3) реттен артық емес ауыстыруға, оны қайта өзгерту мүмкіндігінен тыс күнін ауыстырудың нақты күнін көрсете отырып жол беріледі;

6.27. ҚРЧ-ның соңғы екі туры өткізу кезеңіне матчтардың мерзімін ойын туры шеңберінен тыс ауыстыруға тыйым салынады.

6.28. Мерзімі ауыстырылған матчтың басталу уақыты ҚФФ және негізгі хабар таратушымен (телевизиялық трансляция жүзеге асырылған жағдайда) тиісті матчтан кемінде күнтізбелік 10 күн бұрын келісіледі.

6.29. Мерзімі ауыстырылған матчты ұйымдастыруға және өткізуге байланысты барлық шығындарды, соның ішінде матчтың олқылығына байланысты туындаған коммерциялық міндеттемелер бойынша ҚФФ барлық шығындарын (жоғалған пайдадан басқа), қонақ команданың қосымша шығындарды (көлік шығындары, тұруына, тамақтануына ақы төлеу), сондай-ақ матчтың ресми тұлғаларының болуымен байланысты шығындарды матч ұйымдастырушысы өтейді. Қонақ клубқа, матчтың ресми тұлғаларына және негізгі хабар таратушыға шығындарды матчты ұйымдастырушы матчқа келген жағдайда ғана осы матчтың мерзімін ауыстыру туралы шешім қабылданғанға дейін өтейді. Клубтардың жол жүруді, тұратын жерлерді брондауға, сондай-ақ мерзімі ауыстырылған матчты ұйымдастыру және оған қатысу жөніндегі өзге де шығындарды брондауға байланысты шығындары өтелуге жатпайды.

6.30. Матчтарды өткізудегі олқылықтардың барлық жағдайлары БТӘК-нің қарауына жатады.

6.31. Матчтың ресми тұлғалары матчтың өтуі үшін барлық мүмкін және қажетті шараларды қабылдауға міндетті. Осы тұлғалар қабылдаған шешімдер ҚФФ-мен келісілуі тиіс.

6.32. Егер матчты өткізу немесе соңына дейін ойнау мүмкін болмауына әкеп соққан мән-жайларды матчтың белгіленген басталу уақытынан кейін 24 сағат ішінде жою мүмкін болмаса, матч басқа күнге ауыстырылуы мүмкін.

6.33. Матчты қайта ойнау тек БТӨК шешімімен ғана мүмкін болады.

6.34. Клубтар ҚФФ-мен маусым басталар алдында ойын формасының түстерін бекітуге міндетті. ҚРЧ-на қатысу үшін командалар контрастты түстерде жасалған кем дегенде екі форманы мәлімдейді.

6.35. Бір клубта бір ойыншының маусым бойы әртүрлі нөмірлерді пайдалануына жол берілмейді.

6.36. Бір клубтың әр түрлі ойыншыларының (жастар командасын қоса алғанда) маусым бойы бір нөмірді бір уақытта пайдалануына жол берілмейді.

ҚРЧ матчтарын өткізу шарттары

6.37. Команданың ойын формасының түстері маусымға мәлімделген ойын формасы жиынтықтарының ішінен Матч өткізілетін күнге дейін күнтізбелік 7 (жеті) күннен кешіктірмей ҚФФ-мен алдын ала айқындалады және келісіледі. Түс схемасы мен контраст бойынша ойын формасының түстерінің айтарлықтай айырмашылығын қамтамасыз ету қажет. Командалардың ойын формасының түстерін таңдау кезінде мынадай басымдықтар кезектілігі айқындалды: 1 – қабылдаушы Клубтың командасы, 2 – қонақ Клубының командасы, 3 – қабылдаушы Клуб командасының қақпашысы, 4 – қонақ Клуб командасының қақпашысы. Қақпашылардың формасы екі команданың да, бір-бірінің де футболшыларынан өзгеше болуы керек.

Ойын формасы Ойын ережелерінің талаптарына сәйкес келуі керек.

6.38. Командалар ҚРЧ матчы өтетін стадионға матчтың белгіленген басталу уақытынан 75 (жетпіс бес) минуттан кешіктірмей келуге міндетті.

6.39. Команда форс-мажорлық мән-жайлар бойынша ҚРЧ матчы өтетін жерге (футбол алаңына шықпау) келмеген жағдайда, матч ұйымдастырушысы сол күні матчты өткізу үшін барлық мүмкін шараларды қабылдауы тиіс. Клуб команданың матчтың белгіленген басталу уақытына келуінің мүмкін еместігі туралы матчтың ресми тұлғаларын, қарсылас клубты және ҚФФ Әкімшілігін дереу хабардар етуге міндетті. Матчтың ресми басталуынан 60 (алпыс) минут өткен соң, делегат (ол болмаған кезде инспектор) осы матч бойынша шешім қабылдау үшін болған жағдай туралы ҚФФ хабарлайды. Басқа жағдайларда, уақытылы келмеу (матч ресми басталғаннан кейін бір сағат ішінде футбол алаңына шықпау) келмеу ретінде қарастырылады. Делегат пен матч төрешісі матчты өткізу жөніндегі ресми құжаттарды (хаттама, делегаттың есебі) толтырып, оларды ҚФФ-ға жіберуге міндетті. Басқа жағдайларда, уақытылы келмеу (матч ресми басталғаннан кейін бір сағат ішінде футбол алаңына шықпау) келмеу ретінде қарастырылады. Матч инспекторы мен судьясы матчты өткізу жөніндегі ресми құжаттарды (инспектордың хаттамасы, есебі) толтыруға және оларды ҚФФ-ға жіберуге міндетті.

6.40. Команданың матчқа келмегені үшін Клубқа Тәртіптік регламентке сәйкес санкциялар қолданылады, сондай-ақ қарсылас Клубқа, ресми тұлғаларға және негізгі хабар таратушыға (ұсынылған ресми құжаттар негізінде) қонақүйдегі орындарды брондауға, көлікке, жол жүру билеттеріне тапсырыс беруге байланысты шығындарды және осы матчты ұйымдастыруға байланысты қарсылас клуб, ресми тұлғалар және негізгі хабар таратушы шеккен өзге де шығындарды өтейді. Осы факт бойынша материалдар клубтың лицензиясын қайтарып алу туралы қарастыру үшін ҚФФ уәкілетті органына берілетін болады.

6.41. ҚРЧ қатысушы клубтары өз алаңында өткізілетін («үй») матчтардың тікелей ұйымдастырушылары болып табылады және осы Регламентке сәйкес матчтарды өткізу және трансляциялау шарттарын қамтамасыз етпегені және/немесе тиісінше қамтамасыз етпегені үшін жауапты болады.

6.42. Матч ұйымдастырушысы матчты дайындау және өткізу кезінде қажетті төмендегі жағдайларды қамтамасыз етуге міндетті:

1) матчтың ресми тұлғаларына вокзалдан (әуежайдан) қонақүйге дейін және кері, стадионға және кері қайту үшін жайлы автокөлік;

2) полиция қызметкерлерін тарта отырып, қоғамдық тәртіпті сақтау;

- 3) матч кезінде стадионда диктордың болуы;
 - 4) матч басталар алдында командалар алаңға шыққан кезде әнұран ойнату;
 - 5) дөрекі және корлайтын сөздерді жаппай ұрандатуды бәсеңдету үшін ұйымдастырылған шуды пайдалану жағдайларын қоспағанда, ҚРЧ матчы өткізу кезінде (үзілістен басқа) футбол алаңына тікелей іргелес аймақтарда ұйымдастырылған шуды (дыбысты күшейтетін жабдық, оның ішінде бағандар, рупор, микрофон, оркестрлердің, әртістердің өнер көрсетуі және т. б.) болдырмау;
 - 6) матчтың төрешілер бригадасын полиция күштерімен немесе стадион аумағында тартылатын жеке күзет құрылымдарымен сүйемелдеу. Қонақ клубының жазбаша өтініші бойынша немесе матч делегатының талабы бойынша қонақ командасының автобусын полицияның сүйемелдеу машинасымен, сондай-ақ матч өткізілетін елді мекенде болған уақытында матчтың ресми тұлғаларына тұрақты күзетпен қамтамасыз ету;
 - 7) матч басталғанға дейін және бүкіл матч барысында 30 минуттан кешіктірмей өрт сөндіру құралдарымен және жауынгерлік есептеулермен өрт сөндіру машинасының болуы. Өрт сөндіру машинасы стадионнан барлық көрермендер кеткеннен кейін ғана кетеді;
 - 8) ойыншыларды ауыстыру үшін 2 (екі) ақаусыз электрондық таблоның бар болуы;
 - 9) эвакуациялық машинада немесе санитариялық зембілмен қызмет көрсететін персоналдың болуы (саны кемінде 4 адам);
 - 10) аккредиттелген фототілшілерге арналған арнайы кеудешелер. Кеудешелердің дизайны ҚФФ-мен келісіледі;
 - 11) ойыншылар мен матчтың ресми тұлғалары үшін сусындар мен жемістер;
 - 12) матчты өткізу үшін 10 данадан кем емес көлемде ҚФФ ресми доптары;
 - 13) түсі бойынша ойнайтын командалардың және төрешілік бригаданың өкілдерінің формасынан ерекше болатын спорттық формамен және кеудешемен (манишкамен) жабдықталған, доптарды беру үшін кем дегенде 10 (он) тұлғаның бар болуын қамтамасыз ету;
 - 14) төрешілер бөлмесінде бөгде тұлғалардың болуын болдырмау. Төрешілер бөлмесінде тек матчқа қызмет көрсететін төрешілер, делегат және матч инспекторы болуға құқылы. Командалардың ресми тұлғалары төрешілер бөлмесіне кіріп, төрешілерге матч аяқталғаннан кейін және инспектордың рұқсатымен ғана жүгіне алады;
 - 15) командалар мен төрешілердің келу және кету аймақтарын, спорт аймағын, сондай-ақ матч төрешілері мен инспекторы алып жатқан үй-жайларды Матчтың ресми тұлғалары стадионнан кеткенге дейін күзетуді қамтамасыз ету;
 - 16) Қауіпсіздікті қамтамасыз ету нұсқаулықтардың сақталуын қамтамасыз ету;
 - 17) ҚФФ ұсынған жарнамалық материалдарды (Коммерциялық регламентте белгіленген матч алдындағы атрибуттарды орналастыру схемасына сәйкес) өз күшімен орналастыруды қамтамасыз ету, оның ішінде матч басталғанға дейін кемінде 10 (он) минут бұрын ҚФФ эмблемасы бар диаметрі 18,3 м баннерді ойын алаңының орталық шеңберіне шығару, оның құрамына ҚРЧ титулдық демеушісі (серіктесі) туралы ақпарат енгізілуі мүмкін. Баннер жайылған түрде шығарылады және командалардың ресми сәлемдесуінің аяқталуымен бір уақытта футбол алаңынан шығарылады. ҚФФ клубқа осындай баннерді ұсынбаған жағдайда, клуб орталық шеңберге клубтың демеушілерін (серіктестерін) баннерге жарнамалық және ақпараттық материалдарды қоспай клуб эмблемасы бар баннерді шығаруға құқылы.
 - 18) VAR жүйесінің жұмысын Ойын ережелеріне сәйкес қамтамасыз ету;
- 6.43. Матч ұйымдастырушысы қонақ клубына тегін мыналарды ұсынады:
- 1) команданың вокзалдан (әуежайдан) қонақүйге және кері, матч алдындағы жаттығу күні – қонақүйден стадионға және кері, матч күні – стадионға және кері өтуі үшін «люкс» санатты жайлы автобус (сыйымдылығы кемінде 50 орындық);
 - 2) багажды тасымалдауға арналған автокөлік (сұраныс бойынша);
 - 3) матчтың ресми тұлғаларына, қонақ клубының ресми тұлғаларына матч аяқталғанға дейін, оның барысында және одан кейін стадионда жүру үшін аккредиттеу;
 - 4) матч алдындағы жаттығуды өткізу үшін:
 - бір сағатқа дейінгі матч өткізілетін футбол алаңы. Матч алдындағы жаттығуды өткізу үшін қонақ клубы басқа уақытты таңдаған жағдайлардан басқа, жаттығу матчты өткізу қарсаңында оның ойын уақытында ұсынылуы тиіс; Қонақ клубының сұрауы бойынша жаттығу стадионда кез келген

бөгде тұлғалардың қатысуынсыз жүргізілуі тиіс (матч делегаты мен БАҚ өкілдері үшін ашық алғашқы 15 минутты қоспағанда);

- кем дегенде 10 дана көлемде ҚФФ ресми доптары;
- газдалмаған ауыз су, шектеусіз мөлшерде (сұранысқа сәйкес);
- кем дегенде 23 сүлгі;
- қонақ клубының сұрауы бойынша ресми тұлғалары мен өкілдері (демеушілері, серіктестері және т. б.) үшін 20 артық емес көрерменнің тегін орны, қонақ клубының жанкүйерлері үшін арналған секторлардан басқа, олардың кем дегенде екеуі құрметті қонақтар үшін (VIP, бас ложа) орында берілуі тиіс (бас логаның сыйымдылығына байланысты қонақ клубына бір орын беруге жол беріледі). Жазбаша сұрау салу матч өткізілгенге дейін 3 (үш) күнтізбелік күннен кешіктірілмей жіберілуі тиіс;
- қонақ клубының жанкүйерлері үшін жеке қорғалатын секторға (секторларға) билеттер. Бөлінетін сектордың (секторлардың) сыйымдылығы стадионның жалпы сыйымдылығының кемінде 5% болуы тиіс;

6.44. Клубтар барлық ойыншылардың тереңдетілген медициналық тексеруден өтуін қамтамасыз етуге міндетті.

6.45. Матчты ұйымдастырушы матч өткізілетін күнге дейін 5 күнтізбелік күннен кешіктірілмейтін мерзімде ойын формасының таңдалған түсі (қақпашының формасын қоса алғанда) туралы ҚФФ және қонақ клубты ресми түрде хабардар етуге міндетті.

6.46. Қонақ клубы ҚРЧ матчы басталуына дейін күнтізбелік 5 күннен кешіктірмей Матч ұйымдастырушысына және ҚФФ-на келу және кету күнін, уақытын, жаттығулар уақытын, ұйымдасқан жанкүйерлердің санын және ойын формасының таңдалған түсін (қақпашының формасын қоса алғанда) жазбаша хабарлауға міндетті. Келу және кету күні туралы уақытылы хабарланбаған жағдайда орналастыруға байланысты шағымдар қабылданбайды. Қабылдауды ұйымдастыру бойынша шағымдар туындаған кезде қонақ клуб бұл туралы ҚФФ-ға жазбаша түрде хабарлайды.

6.47. Матчты ұйымдастырушы ҚФФ талабы бойынша ҚФФ өткізетін жарыстардың демеушілері туралы билбордтарды, материалдар мен ақпаратты орналастыруды қамтамасыз етуге міндетті.

6.48. Матчқа қатысатын командалардың өкілдері (қауіпсіздік мәселелері жөніндегі қызметкер, жанкүйерлермен жұмыс жөніндегі қызметкер, спорттық директор және/немесе әкімші) делегат немесе инспектор өткізетін ұйымдастыру мәжілісіне қатысуға, ал олар болмаған кезде – төреші қатысуға және аталған тұлғалардың матчты ұйымдастыру жөніндегі өкімдерін орындауға міндетті.

6.49. Клубтардың ҚФФ-ның ҚРЧ өткізуге байланысты құқықтарын жазбаша келісімінсіз іске асыруға құқығы жоқ (демеушілер мен серіктестердің логотиптері бар билбордтарды орналастыру, ҚФФ ресми сайттарын жарнамалық мақсаттарда пайдалану және т.б.).

6.50. Ойын барысында клуб әкімшілігі тарапынан команданың, ойыншылардың, бапкерлер құрамының іс-әрекеттеріне араласуға, оның ішінде теріс реакция тудыруы мүмкін мінез-құлықты көрсетуге жол берілмейді.

6.51. Матч хаттамасына енгізілген қосалқы ойыншыларды ширату жаттығулар үшін орнын, сондай-ақ команда өкілдерінің бірін (физиотерапевт, дәрігер, массажист немесе дене шынықтыру даярлығы бойынша бапкер) ширату жаттығуларына қатысуды ұйымдастыру мәжілісінде төреші немесе инспектор айқындайды. Бұл ретте, ширатылатын ойыншылар мен команда өкілі манишкаларда ширатуды жүргізуге міндетті.

6.52. ҚРЧ матчы кезінде командалар қақпасының сыртында тиісті аккредитация алған операторлар мен фотокорреспонденттер және Техникалық регламентке сәйкес доп беретін адамдар ғана бола алады.

6.53. Матч ұйымдастырушысы БАҚ-ты ҚРЧ матчтарына аккредиттеуді жүргізуге міндетті (телевизиялық аккредиттеуді қоспағанда, матчты телевизиялық трансляциялаған жағдайда Негізгі хабар таратушы Техникалық регламентке сәйкес береді).

6.54. ҚРЧ барлық матчтары ҚФФ ресми добымен өткізіледі.

6.55. Қазақстан Республикасындағы эпидемиологиялық жағдайға байланысты ҚРЧ матчтарын ұйымдастыру кезінде қосымша шарттар және/немесе шектеулер қолданылуы мүмкін. Қосымша шарттардың және/немесе шектеулердің тізбесі ҚФФ-да бекітіледі.

6.56. Бір ойын туры аясында әр түрлі клубтар үшін бір ойыншының қатысуына тыйым салынады.

ҚРЧ қатысушыларының жабдықтары

6.57. Ойыншының футболкасында ҚРЧ титулдық демеушісінің логотипі бар шеврон (оң жеңінде) және футболканың артқы жағында (ортасында) орналасқан жеке нөмір болуы керек. Футболкадағы ойыншының нөмірі ойыншының өтінім парағында және матч хаттамасында көрсетілген нөмірімен бірдей болуы керек.

6.58. Футболкадағы нөмірдің биіктігі – 25-35 см. Нөмір (цифр) штрихының ені – 3-5 см. Жолақты футболкаларда нөмірлер футболканың түсінен ерекше болатын тіктөртбұрышқа орналастырылады (нөмірдің түсі тіктөртбұрыштың түсінен өзгеше болуы керек).

6.59. Футболканың артқы жағында, жоғарғы бөлігінде, ойыншының нөмірінің үстінде ойыншының жеке басын куәландыратын құжатқа толық сәйкес латын қарпінде орындалған және оның өтінімі үшін берілген ойыншының тегі жазылуы керек. Әріптердің биіктігі 7,5 см-ден аспайды. Әріптер баспа немесе кіші болуы мүмкін. ҚФФ жазбаша рұқсатымен ойыншылардың ойын формасына аттарды және/немесе лақапаттарды жазуға рұқсат етіледі.

6.60. Ойын формалардағы тектер мен сандардың дизайны, түсі, қаріпі бүкіл команда үшін бірдей болуы керек.

6.61. Спорттық тіз киімінің алдыңғы жағында (екі жағының кез келгенінде) ойыншылардың футболкадағы нөмірге сәйкес келетін нөмірі болуы керек (нөмірдің биіктігі 10-15 см.).

6.62. Ойыншының нөмірін гетрыға жазуға жол берілмейді.

6.63. Ойыншы нөмірі «1» мен «99» аралығында болуы керек. «1» нөмірімен тек қақпашыны тіркеуге болады.

6.64. Көлемі 100 шаршы см-ден аспайтын клубтың эмблемасы (ресми түрде тіркелген) ойыншының футболкасының алдыңғы жағына сол жақ жоғарғы бөлігінде орналастырылуы тиіс. Клубтың эмблемасы ойыншының тіз киімінің кез келген балағының алдыңғы жағында және әр гетрыда болуы мүмкін. Клуб эмблемасының мөлшері тіз киім мен гетрылерде 50 шаршы см-ден аспауы тиіс.

6.65. Ойын формасында клуб демеушілерінің жарнамасын ҚФФ келісімі бойынша орналастыруға рұқсат етіледі. Жарнаманы орналастыру орындары міндетті түрде ҚФФ-мен жазбаша келісілуі тиіс.

6.66. Қақпашының формасы командалар ойыншылары мен төрешілердің формаларынан өзгеше болуы керек.

6.67. Ойыншылар матчтарды қалқаншаларда өткізуге міндетті.

6.68. Спорттық термиялық іш киім ойыншылар киетін спорттық шолақ шалбармен бірдей (негізгі) түсті болуы керек және тізенің жоғарғы жағына жетпеуі керек.

6.69. ҚРЧ матчтары кезінде төрешімен келісе отырып, ойыншылардың деректерін қадағалау жүйесін пайдалануға рұқсат етіледі (арнайы датчиктерді – жоғары дәлдіктегі GPS трекерлерін бекітуге арналған манишкалар). Егер жабдық ойыншылардың денсаулығына қауіп төндіреді деп санаса, төреші жүйені пайдалануға тыйым салуға құқылы.

6.70. Спорттық жабдықтары ойын ережелеріне және осы баптың талаптарына сәйкес келмейтін ойыншылар ҚРЧ матчына жіберілмейді.

6.71. Футбол бойынша Қазақстан Республикасының әрбір үш чемпионы атағы үшін клуб ойыншылардың футболкаларындағы клуб эмблемасының үстіне көлемі 10 шаршы метрден аспайтын алтын жұлдыз түріндегі айрықша белгіні қоюға құқылы.

ҚРЧ матчтарының төрешілігі

6.72. ҚРЧ матчтарын төрешілік ету ойын ережелеріне сәйкес жүзеге асырылады.

6.73. ҚРЧ матчтарына төрешілік ету VAR жүйесін қолдану арқылы жүзеге асырылады. VAR жүйесінің жұмыс принциптері Техникалық регламентте көрсетілген.

6.74. ҚРЧ матчтарының төрешілігіне жіберілген төрешілердің тізімін ҚФФ Төрешілер комитеті ТИД ұсынысы бойынша бекітеді. ҚРЧ жекелеген матчтарына шетелдік төрешілерді тағайындауға жол беріледі.

6.75. Төрешілерді ҚРЧ матчтарына тағайындауды ҚФФ Төрешілер комитетінің тағайындау комиссиясы жүзеге асырады.

6.76. ҚРЧ матчтарына тағайындалған төрешілерді ауыстыру туралы өтініштер қабылданбайды.